

脈望館鈔校本古今雜劇

五十

國朝詩人集

卷之三

周公瑾得志娶小喬雜劇

頭折

冲末扮孫權領卒子上

孫權云

虎畧龍韜膽氣雄

人強馬壯顯威風

三分其地傳天下

威名獨霸占江東

某姓孫名權字仲謀乃吳郡富春人也孫武之後祖乃孫鍾父乃孫堅兄乃孫策自父堅起義兄策嗣業某承祖志建國武昌遷都建
鄴某威鎮江東八十一郡錦繡江山某手下
雄兵百萬戰將千員掌東吳之地聞知喬公
所生二女乃是大喬小喬此二女子皆有國

色善曉兵書戰策通達文理美貌過人某下
財禮娶大喬做夫人今選吉日良辰娶親過
門排筵慶會豈不樂乎某無甚事且回後閣
去也

異品時新設大筵 笙歌絃管樂聲喧
新親慶賀成姻眷 滿堂和氣喜團圓

下

外扮喬公領净家童上

喬公云

白髮刀驥兩鬢侵 老來灰盡少年心
等閑贏得食天祿 但得身安抵萬金
老夫姓喬名玄字仲華江東吳國人也自漢

建寧中曾為司空太尉之職因老夫年邁致仕閑居夫人劉氏所生二女皆有國色名號曰大喬小喬深通文墨頗看詩書聰明智慧今有吳侯下財治禮娶大喬為妻老夫甚喜選吉日良辰過門婚配家童着梅香轉報後堂中請將兩箇小姐來者淨家童云理會得梅香後堂中請出二位小姐來

二旦扮大喬小喬淨梅香上 大喬云

蘭堂畫閣玳瑁排 繡裙飄蕩拂香階
金縷仙裳宜禁步 寶髻雲鬟金鳳釵

妾身大喬妹子小喬俺姊妹二人多蒙父母嚴教久習文墨頗看詩書今有江東吳侯下財治禮娶妾身為妻選吉日良辰配合過門有妹子未曾婚配俺正在繡房中看書梅香來報父親呼喚湏索走一遭去 小喬云

姐姐父親呼喚咱姊妹二人則為姐々這門親事未完也 大喬云 妹子說的是

淨梅香云 您姊妹二人大喬姐姐有了親事了則有二喬姐姐未曾有親事哩也則在早晚看梅香幾時是了如今天道冷了也要箇

溫脚的 净家童云 梅香你不棄嫌家童情
願與你溫脚罷 大喬云 凡那家童你怎敢
多言 净家童云 我在下家童不敢 大喬云
報復去道有俺姊妹二人來了也 净家童云
理會的有二位姐姐來了也 喬公云 着兩
箇孩兒過來 净家童云 理會的二位姐姐
着你過去哩 做見科 大喬云 父親喚你孩
兒來有甚事也 喬公云 嘴您來別無甚事
自從吳侯下財治禮要你做夫人老夫不勝
之喜止有小喬未曾婚配老夫務要尋箇對

門方許成親我自有箇主意吳俟擇吉日良辰娶親過門着下次小的每便安排筵席與孩兒慶喜宴會小喬云父親一壁收拾裝

奩陪送姐姐選吉日良辰過門應孩兒的事父親不心憂慮想姻緣婚配之理豈非偶然也

喬公云孩兒說的是老夫自有箇主意

您二人且回繡房中去大喬云妹子俺回

繡房中去來

月下老前生注定天配合今世姻緣
婚姻事非同小可遵典禮上古流傳

同小喬淨梅香下

喬公云

兩箇孩兒回繡房中

去了老夫想來

郎才女貌兩相宜 婦貴夫榮福祿齊
美滿姻緣天注定 開筵慶賀捧金盃

同淨家童下

正末扮周瑜云

小生姓周名瑜字公

瑾廬江舒城人也幼習先生典教後看韜畧
遁甲之書學成文武兼濟爭柰時運未遂
此布衣之中因遊學到此江東有一故友乃
魯子敬此人財德兼備常與小生談話想周
瑜空學成滿腹文章何日是哉那崢嶸發達

的時節也呵

仙呂 點絳脣

則為我幼習慈勸頗蒙師訓行忠信善武能
文兀的不困殺周公瑾

混江龍

雖然是高談闊論不能勾趨鵬搏九萬步青
雲空受了些蠶鹽歲月閑居在白屋寒門我
則怕老了這渭水磻溪姜呂望誰肯似尊賢
好士信陵君好教我無投遙想着那蕭丞相
三番舉薦那箇學漢高皇捧轂推輪 正末云

小生無甚事看幾行詩書看有甚麼人來
外扮魯子敬領淨興兒上

魯子敬云

頗看先賢遁甲書 胸懷志氣有誰知
異日時來當憤發 方顯男兒大丈夫
小生姓魯名肅字子敬本貫江下臨淮人也
幼習先生典教頗曉呂望之書祖宗積德頗
有錢財小生平昔之間有一故友姓周名瑜
字公瑾此人文武兼濟爭柰時運未通小生
常與公瑾談話結為昆仲之交今日無甚事
探望賢弟走一遭去可早來到也無人報復

自己過去 做見科 正末云 哥哥來了也 哥

哥請 正末做施禮科 魯子敬云

公瑾兄弟您

哥哥無甚事特來探望賢弟也

正末云

哥

哥量兄弟有何德能也 哥哥請坐

魯子敬云

兄弟也似這等清貧自守何不求其舉薦但

得一官半職可不強似你在於布衣之中也

正末云 哥哥您兄弟怕不要為官無人舉薦

焉能自進也 魯子敬云 頽兄弟文武全才

必有崢嶸之日也

油葫蘆

您兄弟才已包含德潤身况時年歲月緊
魯子敬云 自古以来則不兄弟受貧至如齊國
管仲在於布衣多虧鮑叔舉薦也 唱 想
着那齊國管仲受清貧那裡取鮑叔薦引多
才俊 魯子敬云 您哥哥為兄弟功名未遂
拳拳在念未曾下懷兄弟俺二人比漢順帝
時雷義陳重有何差別也 唱 哥做學那陳
雷膠漆相親近 魯子敬云 可惜埋沒了兄
弟文武之才也 唱 空學的三畧法枉廢
了孔聖文爭柰我時乖運拙難前進幾時能

勾朝帝閩受君恩 魯子敬云 想伊尹長於
空桑後來耕於有莘之野湯聘之為相您哥
哥想來似你學成將相之才必有顯達之日
也

天下樂

想當時伊尹甘貧耕有莘到後來殷也波湯就
將基業新他可便受阿衡相佐居上品扶持
的日月安輔助的天下穩不枉了立功勲作
大臣 淨吳兒云 我說子敬老官兒你則勸
別人做官你也是白衣人前日悞了巡夜兵

馬司着牌子弓兵擎你譁的碎屁兒直流
魯子敬云 這廝靠後兄弟便好道憤奮發有時
見今吳魏劉招賢納士三分天下各有文武
賢才輔佐且待時守分異日必有崢嶸發跡
之日也 正末云 哥哥也說的是

那咤令

您兄弟自忖為功名事緊一為家暗忍柰窮
途受窘空教我暗咽柰天公未允 魯子敬云
見今三國爭雄何愁進身之日也 唱 見
如今吳魏劉各霸國據州郡我道求湏有箇

安身 净興兒云

休說公瑾叔我興兒也要

做箇總甲怕難吹噓之力等周叔做了官興
兒替周叔夾鞍籠頂道

鵲踏枝

劉先主漢宗親曹孟德是奸臣見如今吳國
孫權當代為君我若是但進身功名事准你
看我立吳邦龍虎風雲 魯子敬云 兄弟您
哥哥聞知喬公有二女大喬小喬二女皆有
國色大喬嫁與吳侯孫權止有小喬未曾招
嫁據兄弟文武英才何不娶小喬為妻也

正末云 哥八說差了 魯子敬云 可是為何

也

醉扶歸

我怕不文武多才俊爭柰我貧苦受艱辛我

怎做的攀高接貴人

魯子敬云

見今吳侯

娶了大喬據兄弟娶小喬有何不可

唱

教人道怎敢教魚龍混

魯子敬云

恁哥八

舉此一樁美事兄弟如何不納也

唱

非

是我心中未肯我則怕美巧番成空

淨裏兒云

公瑾叔也說的是常肯便好若不肯時羞的